



**Число:** 01-02/23

**Датум:** 16.01.2023.

На основи члена 10. Закона о националних советох националних меншинох („Службени гласник РС”, число 72/2009, 20/2014 - одлука УС, 55/2014 и 47/2018) и члена 8. пасус 1. точка 1. Статуту Националног совету рускей националней меншини число 300-02/18 од 14. децембра 2018. року, Национални совет рускей националней меншини, на схадзки отриманей дня 16.01.2023. року у Руским Керестуре принесол

### **ОДЛУКУ**

#### **о вименки Статуту Националног совету рускей националней меншини**

##### **Член 1.**

У Статуту Националног совету рускей националней меншини число: 300-02/18 од 14. децембра 2018. року у члену 7. пасус 2. ше сцера.

##### **Член 2.**

Член 17. меня ше и глаши:

„Национални совет одлучує зоз векшину гласох од вкупного числа членох Националног совету:

- о приношеню и вименки Статута, о приношеню и вименки финансового плана и приношеню закончующого рахунка Националног совету;
- о вибору и розришеню председателя, подпредседательох, председателя и членох Вивершног одбора, председательох и членох одборох и роботних целох и секретара Националног совету.

Други одлуки Национални совет приноси з векшину гласох присутних членох.“

##### **Член 3.**

У члену 21. после пасусу 3. додава ше пасус 4. хтори глаши:

„Поступок за розришенє председателя Националног совету ше може порушац кед:

1. председатель не сполнює свойо обовязки предвидзени зоз Законом и тим Статутом
2. ше утвердзи же роби на чкodu Националному совету зоз потупйованьом своїх овласценьох, зоз несовисним справованьом и зоз незаконїтим хаснованьом и розполаганьом зоз средствами Националног совету
3. не прилапени Звит о роботы председателя за прешли рок
4. под час тирваня мандату будзе правомочно осудзни на условну або безусловну кару гарешту.“

##### **Член 4.**

У члену 27. пасус 1. слова: „шейсц членох“ заменяю ше зоз словами: „штири члени“.

### Член 5.

Член 36. меня ше и глаши:  
„Одбор ма найменей 5, а найвецей 9 членох“.

### Член 6.

У члену 37. пасус 1. слова: „источашне и“ заменяю ше зоз словами: „можу буц“.

### Член 7.

Член 38. меня ше и глаши:  
„Предкладане за председателя одбору подноши председатель Национального совиту або найменей една третина членох Национального совиту.“

Председатель одбора вибера ше зоз векшину гласох од вкупного числа членох Национального совиту.

Предкладане за членох одбора можу поднесц председатель Национального совиту, найменей одна третина членох Национального совиту або избрани председатель одбора.

Члени одбора ше вибераю зоз векшину гласох од вкупного числа членох Национального совиту.

У поглядзе других питаньох вязаних за вибор членох одбора сходно ше применюе правила о вибору председателя Национального совиту.

### Член 8.

У члену 43. пасус 1. после словох: „Председатель Национального совиту“ додаваю ше слова: „або найменей одна третина членох Национального совиту“.

### Член 9.

Тота одлука ступа на моц осмого дня од дня обявйованя на огласней табли Национального совиту.

Число: 01-02/23

У Руским Керестуре, 16.01.2023. року



ПРЕДСИДАТЕЛЬ  
НАЦИОНАЛЬНОГО СОВИТУ

  
Йоаким Рац